

Bosna i Hercegovina
-Federacija Bosne i Hercegovine-
TUZLANSKI KANTON
Skupština
-Služba Skupštine-

Broj: 02-11-463-16/23

Datum: 24.10.2023. godine

Na osnovu člana 70. st. (1) i (3) i člana 89. stav (1) Zakona o javnim nabavkama ("Službeni glasnik Bosne i Hercegovine", br: 39/14 i 59/22), i preporuke Komisije za provođenje konkurentskog postupka javne nabavke roba – laptopa za potrebe Skupštine Tuzlanskog kantona date u Zapisniku o ocjeni ponuda broj: 02-11-463-15/23 od 18.10.2023. godine, sekretar Skupštine Tuzlanskog kantona donosi

ODLUKU
o izboru najpovoljnijeg ponuđača

I.

Prihvata se preporuka Komisije za provođenje konkurentskog postupka javne nabavke roba – laptopa za potrebe Skupštine Tuzlanskog kantona date u Zapisniku o ocjeni ponuda broj: 02-11-463-15/23 od 18.10.2023. godine, te će se ugovor zaključiti sa ponuđačem PR SMART COMPUTER d.o.o. Prijedor, koji je dostavio tehnički zadovoljavajuću ponudu broj: 113/23 od 12.10.2023. godine, zaprimljenu pod brojem 02-11-463-12/23 od 16.10.2023. godine, sa cijenom od 30.975,00 KM bez PDV.

II.

Ugovor o javnoj nabavci dostaviti će se na potpis izabranom ponuđaču PR SMART COMPUTER d.o.o. Prijedor po proteku roka od 10 dana, računajući od dana prijema ove odluke od strane izabranog ponuđača.

Izabrani ponuđač je dužan u roku od 5 dana od dana prijema ove odluke dostaviti dokumente zahtijevane tenderskom dokumentacijom iz člana 45. Zakona o javnim nabavkama, a u slučaju da izabrani ponuđač propusti u određenom roku dostaviti tražene dokumente, ovaj postupak javne nabavke biti će poništen.

III.

Ova odluka stupa na snagu danom donošenja i objavit će se na internet stranici Skupštine Tuzlanskog kantona, te dostaviti ponuđačima koji su učestvovali u postupku javne nabavke..

IV.

Sastavni dio ove odluke je Zapisnik o ocjeni ponuda broj: 02-11-463-15/23 od 18.10.2023. godine.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-463-1/23 od 06.09.2023. godine, putem konkurentskog postupka javne nabavke a procijenjena vrijednost javne nabavke je 31.196,55 KM bez PDV.

Obavještenje o nabavci broj: 1062-7-1-80-3-31/23 od 08.09.2023. godine u 9:37 sati, objavljeno je na Portalu javnih nabavki zajedno sa cjelokupnom tenderskom dokumentacijom.

Kriteriji za dodjelu ugovora shodno odredbama člana 64. Zakona o javnim nabavkama je najniža cijena tehnički zadovoljavajuće ponude.

Za predmetnu nabavku, tekst tenderske dokumentacije Konkurentskog zahjeva ponuđači su mogli preuzeti samo putem Portala javnih nabavki., a na koju je 11.09.2023. godine putem E-maila izjavljena žalba, te je ovaj organ u skladu sa odredbama Zakona o javnim nabavkama o zaprimljenoj žalbi putem Portala javnih nabavki obavijestio sve ponuđače koji su preuzeli tendersku dokumentaciju.

Ured za razmatranja žalbi Zaključkom broj: JN2-03-07-1-2538-6/23 od 05.10.2023. godine žalbu je odbacio, te je ovaj organ 09.10.2023. godine pristupio izmjeni tenderske dokumentacije i Obavještenja o nabavci a u dijelu koji se odnosi na produženje rokova za preuzimanje tenderske dokumentacije, dostavljanje ponuda i otvaranje ponuda.

Komisija za provođenje predmetnog postupka javne nabavke imenovana Rješenjem broj: 02-11-463-2/23 od 06.09.2023. godine (u daljem tekstu: Komisija), je dana 16.10.2023. godine u 10,30 sati, u prostorijama Službe Skupštine Tuzlanskog kantona izvršila javno otvaranje ponuda i sačinila Zapisnik o otvaranju ponuda, koji je dostavljen ponuđačima koji su dostavili ponude.

Nakon otvaranja ponude Komisija je izvršila pregled i ocjenu ponuda, te sačinila Zapisnik o ocjeni ponude broj: 02-11-463-15/23 od 18.10.2023. godine, u kojem je konstatovano sljedeće:

“Prilikom otvaranja ponuda dana 16.10.2023. godine, konstatovano je da su u navedenom postuku prispjele četiri ponude, i to od ponuđača:

1. NEUTRINO d.o.o. Tuzla, sa ukupnom cijenom u iznosu od 31.185,00 KM bez PDV,
2. PR MEDIA MARKET d.o.o. Prijedor, sa ukupnom cijenom u iznosu od 31.150,00 KM bez PDV,
3. SOFTKOM S d.o.o. Prijedor, sa ukupnom cijenom u iznosu od 30.835,00 KM bez PDV i
4. PR SMART COMPUTER d.o.o. Prijedor, sa ukupnom cijenom u iznosu od 30.975,00 KM bez PDV.

Detaljnou analizom prispjelih ponuda Komisija je konstatovala da je samo ponuda ponuđača PR SMART COMPUTER d.o.o. Prijedor tehnički zadovoljavajuća ponuda jer zadovoljava sve selekzione kriterije uspostavljene u tenderskoj dokumentaciji i ista je ocijenjena prihvatljivom, dok ostale ponude ne zadovoljavaju selekzione kriterije uspostavljene u tenderskoj dokumentaciji jer je konstatovano da su ponude ponuđača NEUTRINO d.o.o. Tuzla i PR MEDIA MARKET d.o.o. Prijedor neprihvatljive, a da je ponuda ponuđača SOFTKOM S d.o.o. Prijedor nepravilna.

Za ponudu ponuđača NEUTRINO d.o.o. Tuzla, je konstatovano da je neprihvatljiva jer u istoj nije dostavljena sva tražena dokumentacija za ocjenu kvalificiranosti ponuđača u pogledu tehničke i profesionalne sposobnosti. Tenderskom dokumentacijom je traženo da ponuđači dostave opis i fotografiju robe koje su predmet nabavke, te je ponuđač dostavio opis i fotografiju robe koje se u Obrascu za cijenu ponude nalaze pod rednim brojevima 1. i 3. (Laptop i torba odgovarajućih dimenzija uz ponudeni laptop), a propustio je dostaviti opis i fotografiju robe koja se u Obrascu za cijenu ponude nalazi pod rednim brojem 2. MS Office Professional – 35 komada, tj. dostavljena dokumentacija je nepotpuna za ocjenu kvalificiranosti ponuđača u pogledu tehničke i profesionalne sposobnosti.

Za ponudu ponuđača PR MEDIA MARKET d.o.o. Prijedor, je konstatovano da je neprihvatljiva jer u istoj nije dostavljena sva tražena dokumentacija za ocjenu kvalificiranosti ponuđača u pogledu tehničke i profesionalne sposobnosti. Ponuđač je propusti dostaviti spisak realizovanih ugovora (koji je naveden u sadržaju ponude), a za ocjenu kvalificiranosti ponuđača u pogledu lične i profesionalne sposobnosti tenderskom dokumentacijom je traženo da se dostavi spisak realizovanih ugovora i potvrde drugih ugovornih organa o uspješno realizovanim ugovorima, a minimalna ukupna vrijednost svih realizovanih ugovora je procijenjena vrijednost ove javne nabavke, te je dostavljena dokumentacija nepotpuna za ocjenu kvalificiranosti ponuđača u pogledu tehničke i profesionalne sposobnosti.

Za ponudu ponuđača SOFTKOM S d.o.o. Prijedor, je konstatovano da je nepravilna, jer u Obrazcu za cijenu ponude nisu popunjene sve stavke kako je definisano u tenderskoj dokumentaciji i Obrazcu za cijenu ponude. Ponuđač je u obrascu propustio popuniti stavku "Ukupna cijena po stavci sa PDV", a tenderskom dokumentacijom je propisano da "U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena."

Komisija je na osnovu svega naprijed navedenog preporučila da se u ovom postupku javne nabavke Ugovor za nabavku laptopa za potrebe Skupštine Tuzlanskog kantona zaključi sa ponuđačem PR SMART COMPUTER d.o.o. Prijedor, sa ukupnom cijenom ponude u iznosu od 30.975,00 KM bez PDV, čija je ponuda ocijenjena prihvatljivom"

U postupku ocjene provedenog postupka, nisu uočeni propusti niti nepravilnosti u radu koji bi eventualno bili osnov za neprihvatanje preporuke Komisije, a imajući u vidu da su dostavljene tri neprihvatljive ponude i samo jedna ponuda koja je prihvatljiva, izbor najpovoljnijeg ponuđača je izvršen u skladu sa Zakonom o javnim nabavkama, podzakonskim propisima i tenderskom dokumentacijom.

Shodno gore navedenom odlučeno je kao u dispozitivu ove odluke.

POUKA O PRAVNOM LIJEKU:

U skladu sa članom 101. stav (5) Zakona o javnim nabavkama protiv ove odluke može se izjaviti žalba ugovornom organu u roku od 5 dana od dana prijema ove odluke, na način propisan čl. 99. i 105. Zakona o javnim nabavkama.

Dostavljeno:
4 x Ponuđačima
1 x a/a



Sekretar
Skupštine Tuzlanskog kantona
Enisa Hasanagić
Enisa Hasanagić